



書首
 春秋集註
 序目錄

口 122
 2797
 55-42



2797
55-41

○春秋

△初學記云春秋者案釋名云言春秋夏冬終以成歲舉春秋則冬夏可知也昔孔子約魯史以修春秋書有褒貶不可以書見口授弟子左丘明恐弟子各安其意以失其真故論夫子所言而作傳今左氏傳是也初孔子授春秋於卜商又授之弟子公羊高穀梁赤又各為之傳則今公羊穀梁二傳是也

△劉氏鴻書云孔子因魯史作春秋十二篇始隱公終獲麟而二百四十二年之行事備矣西漢藝文志曰仲尼有所褒諱貶損不可書見口授弟子弟子退而異言左丘明恐弟子失真故論本事而作傳明夫子不以空言說經也

△明經籍志云孔子西觀周室令子夏等十四人求周史記得諸國寶書而春秋作焉春處曰書非史記周圖仲尼不采其自謂述而不作也以此漢初博士唯公羊一家宣帝益以穀梁至平帝時左氏始立太抵左氏傳事不傳義是以詳於史而事未必覈公穀傳義不傳事是以詳於經而義未必當及乎後儒保殘守陋徃徃主傳而賓經失乃辨甚夫聖人之作經豈冀有三子者為之傳耶無三傳經遂不可見耶善乎趙鵬飛之言學者當以無傳求春秋不可以有傳求春秋得之矣

△林子全書云春秋者其孔子賞罰之書乎賞以法天之春以仁物也罰以法天之秋以肅物也故命之曰春秋然以春秋為魯史者何也豈不以周之失道道在於魯魯之失道道在於我歟故以魯而編年以我而定是

宣統二年一月十日
水師書局印

非則知聖人之意微矣

○胡氏傳序

△陳善集解云此序大畧當作四六節第一節論天下亂而孔子因魯史修春秋以天理為已任而誅亂臣討賊子以其功比於禹與周公第二節論六經之教而春秋為五經之斷例第三節論不學春秋而處事決疑不能無惑又以言學春秋之難意謂不可以易而學也第四節論廢春秋以亂天下身遇其世高宗即位復春秋之學乃為經作傳明萬世教立一代法學者讀是傳而推考之則於所作之意可見矣
△通義云金氏曰胡氏名安國字康侯謚文定建安人因斬莪之聞程子之學友事游楊謝三君子以得程子之旨後以春秋侍講奉敕作傳
△言行錄外集第七有傳

○讀書錄云讀春秋大義可見者尊君父討亂賊內中國外夷狄貴王賤

而巳

△又云春秋意在言表
△又云春秋書法意在言外
△又云春秋大抵多微辭

○集解云國設史官所以掌事史官記事所以垂後可以按是非驗得失後世詳記不忘大抵皆其遺法也



春秋序

胡氏傳序

○孟子滕文公篇云春秋天子之事也
○范氏云乾綱者乾為陽喻天子坤為陰喻諸侯諸侯皆叛四海分崩若紐之解故曰解紐
○書皋陶謨篇有五服弗章已所當命五刑弗用已所當討故曰

古者列國各有史官掌記時事春秋魯史爾仲尼就加筆削乃史外傳心之要典也而孟氏發明宗旨目為天子之事者周道衰微乾綱解紐亂臣賊子接迹當世人欲肆而天理滅矣仲尼天理之所在不以為已任而誰可五典弗惇已所當敘五禮弗庸已所當秩五服弗章已所當命五刑弗用已所當討故曰

與五禮五服五刑之

○論語子罕篇有之

○史記自叙傳云子
曰我欲載之空言不
知見之於行事之深
切著明也

○集解云凡此皆史
策舊文而聖人則以
已意加筆削耳

○史記自叙傳云春秋以道義撥亂世反之正莫近於春秋
○公羊傳云君子曷為為春秋撥亂世反之正莫近諸春秋

文王既沒文不在茲乎天之將喪斯文也後
死者不得與於斯文也天之未喪斯文也匡
人其如予何聖人以天自處斯文之興喪在
已而由人乎哉故曰我欲載之空言不如見
諸行事之深切著明也空言獨能載其理行
事然後見其用是故假魯史以寓王法撥亂
世反之正敘先後之倫而典自此可停秩上
下之分而禮自此可庸有德者必褒而善自
此可勸有罪者必貶而惡自此可懲其志在

○孟子滕文公篇云

禹抑洪水而天下平
周公兼夷狄驅猛獸
而百姓寧孔子成春
秋而亂臣賊子懼

○集解云人欲者亂
臣賊子之所為者是
也橫流者以民喻水
民散亂而不由道猶
水之汎濫而不由川
倉言天下亂甚也

○同云詩書禮樂皆
孔子所刪定周易春
秋皆所贊修六經之
為教於斯為備然五
經各主一事而春秋

乎經世其功配於抑洪水膺戎狄放龍蛇驅
虎豹其大要則皆天子之事也故曰知我者
其惟春秋乎罪我者其惟春秋乎知孔子者
謂此書之作遏人欲於橫流存天理於既滅
為後世慮至深遠也罪孔子者謂無其位而
託一百四十二年南面之權使亂臣賊子禁
其欲而不得肆則威矣是故春秋見諸行事
非空言比也公好惡則發乎詩之情酌古今
則貫乎書之事與常典則體乎禮之經本忠

之為義獨廣此其所
以為法百主而萬世
不可亂也歟

○史記孔子世家云
至於為春秋筆則筆
削則削子夏之徒不
能贊一辭

○用學紀聞春秋部
云李善註引史記曰
子游子夏之徒不能
贊一辭今本無子游
二字

○孟子盡心篇云而况於親炙之者乎

註云親炙親近而熏炙之也

○集解云神宗熙寧八年頒王安石所脩詩書周禮義于學官以取士新義既頒一時學者無敢不傳習先儒傳註一切廢不用焉矣○王安石嘗言春秋經為斷爛故三傳皆廢

○張邦伐醉第十云
國是二字今人常用
未知何出後漢書桓
譚傳昔楚莊王問孫
叔敖曰寡人未得所
以為國是也叔敖曰
國之有是衆所惡也
恐王不能定也王曰
不定獨在君亦在臣
乎對曰君曠士曰士
非我無從富貴士驕
君曰君非士無從安
在曰君或至失國而
不悟士或至劓寒而
不進君臣不合則國
是無從定矣莊王曰
善願相國與諸大夫

怨則導乎樂之和著權制則盡乎易之變百
王之法度萬世之準繩皆在此書故君子以
謂五經之有春秋猶法律之有斷例也學是
經者信窮理之要矣不學是經而處大事決
大疑能不惑者鮮矣自先聖門人以文學名
科如游夏尚不能贊一辭蓋立義之精如此
去聖既遠欲因遺經窺測聖人之用豈易能
乎然世有先後人心之所同然一爾苟得其
所同然者雖越宇宙若見聖人親炙之也而
春秋之權度在我矣近世推隆王氏新說按
為國是獨於春秋首舉不以取士庠序不以
設官經筵不以進讀斷國論者無所折衷天
下不知所適人欲日長天理日消其效使夷
狄亂華莫之遏也噫至此極矣仲尼親手筆
削撥亂反正之書亦可以行矣天縱聖學崇
信是經乃於斯時奉承詔旨輒不自揆謹述
所聞為之說以獻雖微辭與義或未貫通然
尊君父討亂賊闢邪說正人心用夏變夷大

共定國是也

○集解云宋自王氏
變法而天下大壞凌
夷至於徽欽二宗遂
有靖康之難東狄之
侵中夏自古未有如
此之甚者也
○又云晦庵先生嘗
謂安國聞道伊洛志
在春秋著書立言格
君垂後明天理正人
心扶三綱叙九法休
用諒貫有剛大正直
之氣

法略具庶幾聖王經世之志小有補云

音註

胡安國按宋鑑胡安國崇安人紹聖
中進士擢太學博士靖康初除太常
少卿起居舍人皆辭高宗時以張浚薦除
中書舍人兼侍講先獻時政論二十一篇
尋以疾求去留兼侍讀專講春秋累官至
給事中謝良佐嘗稱其如大冬嚴雪百草
萎死而松柏獨秀所著有春秋
傳卒謚文定從祀孔子廟庭

胡氏傳序畢

左氏傳序

杜預著

春秋者魯史記之名也記事者以事繫日以
日繫月以月繫時以時繫年所以紀遠近別
同異也故史之所記必表年以首事年有四
時故錯舉以為所記之名也周禮有史官掌
邦國四方之事達四方之志諸侯亦各有國
史大事書之於策小事簡牘而已孟子曰楚
謂之檮杌晉謂之乘而魯謂之春秋其實一
也韓宣子適魯見易象與魯春秋曰周禮盡

在魯矣吾乃今知周公之德與周之所以王
韓子所見蓋周之舊典禮經也周德既衰官
失其守上之人不能使春秋昭明赴告策書
諸所記注多違舊章仲尼因魯史策書成文
考其真偽而志其典禮上以遵周公之遺制
下以明將來之法其教之所存文之所害則
刊而正之以示勸戒其餘則皆即用舊史史
有文質辭有詳略不必改也故傳曰其善志
又曰非聖人孰能脩之蓋周公之志仲尼從

而明之左丘明受經於仲尼以爲經者不刊
之書也故傳或先經以始事或後經以終義
或依經以辯理或錯經以合異隨義而發其
例之所重舊史遺文略不盡舉非聖人所脩
之要故也身爲國史躬覽載籍必廣記而備
言之其文緩其旨遠將令學者原始要終尋
其枝葉究其所窮優而柔之使自求之饜而
飫之使自趨之若江海之浸膏澤之潤渙然
冰釋怡然理順然後爲得也立其發凡以言例

皆經國之常制周公之垂法中書之舊章仲尼從而脩之以成一經之通體其微顯闡幽裁成義類者皆據舊例而發義指行事以正褒貶諸經書不書先書故書不書不稱書曰之類皆所以起新舊發大義謂之變例然亦有史所不書即以為義者此蓋去春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體有三而為例之情有五一日微而顯文

見於此而起義在彼稱族尊君命舍族尊夫人梁亡城緣陵之類是也二曰志而晦約言示制推以知例參會不地與謀曰及之類是也三曰婉而成章曲從義訓以示大順諸所諱辟壁假許田之類是也四曰盡而不汙直書其事具文見意丹楹刻桷天主求車齊侯獻捷之類是也五曰懲惡而勸善求名而亡欲蓋而章書齊豹盜三叛人名之類是也推此五體以尋經傳觸類而長之附于二百四

十二年行事王道之正人倫之紀備矣或曰
春秋以錯文見義若如所論則經當有事同
文異而無其義也先儒所傳皆不其然答曰
春秋雖以一字為褒貶然皆須數句以成言
非如八卦之文可錯綜為六十四也固當依
傳以為斷古今言左氏春秋者多矣今其遺
文可見者十數家大體轉相祖述進不得為
錯綜經文以盡其變退不守丘明之傳於丘
明之傳有所不通皆沒而不說而更庸引公

羊穀梁適足自亂預今所以為異專脩丘明
之傳以釋經經之條貫必出於傳傳之義例
總歸諸凡推變例以正褒貶簡一傳而去異
端蓋丘明之志也其有疑錯則備論而闕之
以俟後賢然劉子駿創通大義賈景伯父子
許惠卿皆先儒之美者也未有穎子嚴者雖
淺近亦復名家故特舉劉賈許穎之違以見
同異分經之年與傳之年相附比其義類各
隨而解之名曰經傳集解又別集諸例及地

名譜第歷數相與爲部凡四十部十五卷皆
顯其異同從而釋之名曰釋例將令學者觀
其所聚異同之說釋例詳之也或曰春秋之
作左傳及穀梁無明文說者以爲仲尼自衛
反魯脩春秋立素主立明爲素臣言公羊者
亦云黜周而王魯危行言孫以辟當時之害
故微其文隱其義公羊經止獲麟而左氏經
終孔丘卒故問所安答曰異乎余所聞仲尼
曰文主既沒文不在茲乎此制作之本意也

歎曰鳳鳥不至河不出圖吾已矣夫蓋傷時
王之政也麟鳳五靈王者之嘉瑞也今麟出
非其時虛其應而失其歸此聖人所以爲感
也絕筆於獲麟之一句者所感而起固所以
爲終也曰然則春秋何始於魯隱公答曰周
平王東周之始王也隱公讓國之賢君也考
乎其時則相接言乎其位則列國本乎其始
則周公之祚胤也若平王能祈天求命紹開
中興隱公能強宣祖業光啓王室則西周之

美可尋文武之迹不隊是故因其歷數附其
行事采周之舊以會成王義垂法將來所書
之王即平王也所用之歷即周正也所稱之
公即魯隱也安在其黜周而王魯乎子曰如
有用我者吾其為東周乎此其義也若夫制
作之文所以章往考來情見乎辭言高則旨
遠辭約則義微此理之常非隱之也聖人包
周身之防既作之後方復隱諱以辟患非所
聞也子路欲使門人為臣孔子以為欺天而

云仲尼素王丘明素臣又非通論也先儒以
為制作三年文成致麟既已妖妄又引經以
至仲尼卒亦又近誣據公羊經止獲麟而左
氏小邾射不在三叛之數故余以為感麟而
作作起獲麟則文止於所起為得其實至於
反袂拭面稱吾道窮亦無取焉

音註

杜預按晉書杜預字元凱杜陵人畿
孫博學時號社武庫武帝時為河南
尹荊州都督羊祜舉預自代拜征南將軍
以平吳功封當陽侯嘗作春秋左傳集解

左氏傳序畢
立明素白又非嚴備亦大難也
公羊傳序
何休著

公羊傳序

何休著

昔者孔子有云吾志在春秋行在孝經此二
學者聖人之極致治世之要務也傳春秋者
非一本據亂而作其中多非常異義可怪之
論說者疑惑至有倍經任意反傳違戾者其
勢雖問不得不廣是以講誦師言至於百萬
猶有不解時加讓嘲辭援引他經失其句讀
以無為有甚可閔笑者不可勝記也是以治
古學貴文章者謂之俗儒至使賈逵緣隙奮

筆以為公羊可奪左氏可與恨先師觀聽不
決多隨一創此世之餘事斯豈非守文持論
欺績失據之過哉余竊悲之久矣往者略依
胡毋生條例多得其正故遂隱括使就繩墨
焉音註何休按漢書何休字昭公任城莒人
質朴訥口而雅有心思精研六經世
儒無及者常作公羊墨守左氏膏肓穀梁
廢疾除北新城長大作講舍聚生徒數百
朝夕自往勸講儒化大行賈逵按漢書賈
逵字景伯平陵人父徽受左氏春秋兼習
國語周官尚書毛詩逵悉傳其業尤備
有大節明帝時拜為侍中至和帝時內備
帷幄兼領秘書甚見信用所著經傳義詁
及論難百餘萬言學者宗之稱為通儒

穀梁傳序

范甯著

昔周道衰陵乾綱絕紐禮壞樂崩彝倫攸斁
弑逆篡盜者國有淫縱破義者比肩是以妖
災因釁而作民俗染化而遷陰陽為之愆度
七曜為之盈縮川嶽為之崩竭鬼神為之疵
癘故父子之恩缺則小弁之刺作君臣之禮
廢則桑扈之諷興夫婦之道絕則谷風之篇
奏骨肉之親離則角弓之怨彰君子之路塞
則白駒之詩賦天垂象見吉凶聖作訓紀成

敗欲人君戒慎厥行增修德政蓋誨爾諄諄
聽我藐藐履霜堅冰所由者漸四夷交侵華
戎同貫幽王以暴虐見禍乎王以微弱東遷
征伐不由天子之命號令出自權臣之門故
兩觀表而臣禮亡朱干設而君權喪下陵上
替僭迫理極天下蕩蕩王道盡矣孔子觀滄
海之橫流迺喟然而嘆曰文王既沒文不在
茲乎言文王之道喪與之者在已於是就太
師而正雅頌因魯史而備春秋列黍離於國

風齊王德於邦君所以明其不能復雅政化
不足以被群后也於是則接乎隱公故因茲
以託始該一儀之化育贊人道之幽變舉得
失以彰黜陟明成敗以著勸誡拯頽綱以繼
三五鼓芳風以扇遊塵一字之褒寵踰華袞
之贈片言之貶辱過帝朝之撻德之所助雖
賤必申義之所抑雖貴必屈故附勢匿非者
無所逃其罪潛德獨運者無所隱其名信不
易之宏軌百王之通典也先王之道既弘麟

感化而來應因事備而終篇故絕筆於斯年
成天下之事業定天下之邪正莫善於春秋
春秋之傳有二而為經之旨一臧否不同褒
貶殊致蓋九流分而微言隱異端作而大義
乖左氏以鬻拳兵諫為愛君文公納幣為用
禮穀梁以衛輒拒父為尊祖不納子糾為內
惡公羊以祭仲廢君為行權妾母稱夫人為
谷正以兵諫為愛君是人主可得而脅也以
納幣為用禮是居喪可得而婚也以拒父為

尊祖是為子可得而叛也以不納子糾為內
惡是仇讐可得而容也以廢君為行權是神
器可得而窺也以妾母為夫人是嫡庶可得
而齊也若此之類傷教害義不可得彊通者
也凡傳以通經為主經以必當為理夫至當
無二而二傳殊說庸得不棄其所滯擇善而
從乎既不俱當則固容俱失若至言幽絕擇
善靡從庸得不並舍以求宗據理以通經乎
雖我之所是理未全當安可以得當之難而

自絕於希通哉而漢興以來瓌望碩儒各信
所習是非紛錯準裁靡定故有父子異同之
論石渠分爭之說廢典由於好惡盛衰繼之
辯訥斯蓋非通方之至理誠君子之所歎息
也左氏豔而富其失也誣穀梁清而婉其失
也短公羊辯而裁其失也俗若能富而不誣
清而不短裁而不俗則深於其道者也故君
子之於春秋沒身而已矣升平之末歲次太
梁先君北蕃廻軫頓駕于吳乃帥門生故吏

我兄弟子姪研講六籍次及三傳左氏則有
服杜之註公羊則有何嚴之訓釋穀梁傳者
雖近十家皆膚淺末學不經師匠辭理典據
旣無可觀又引左氏公羊以解此傳文義違
反斯害也已於是乃商略名例數陳疑滯博
示諸儒同異之說昊天不弔泰山其頽匍匐
墓次死亡無日日月逾邁跂及視息乃與二
三學士及諸子弟各記所識并言其意業未
及終嚴霜夏墜從弟凋落二子泯沒天實喪

予何痛如之今撰諸子之言各記其姓名

曰春秋穀梁集解

音註

范甯按晉書范甯字武子鄆陵人少博學多所通覽時稱儒雅咸安初拜中書侍郎孝武帝雅好文學甚被親愛非朝廷疑議輒諮訪之既而出補豫章太守大設庠序遣人往交州採磬石以供學用遠近至者千餘人資給衆費一出私祿又起學臺功用彌廣後爲刺史王嶽之彈劾免官

穀梁傳序畢

附錄 程子傳序

天之生民必有出類之才起而君長之治之而爭奪息道之而生養遂教之而倫理明然後人道立天道成地道平二帝而上聖賢世出隨時有作順乎風氣之宜不先天以開人各因時而立政暨乎三王迭興三重既備子丑寅之建正忠質文之更尚人道備矣天道周矣聖王既不復作有天下者雖欲倣古之迹亦私意妄爲而已事之繆秦以建亥爲正

道之悖漢專以智力持世豈復知先王之道也夫子當周之末以聖人之不復作也順天應時之治不復有也於是作春秋爲百王不易之大法所謂考諸三王而不謬建諸天地而不悖質諸鬼神而無疑百世以俟聖人而不惑者矣先儒之論曰游夏不能贊一辭辭不待贊也言不能與於斯耳斯道也惟顏子嘗聞之矣行夏之時乘殷之輅服周之冕樂則韶舞此其準的也後世以史視春秋謂褒

善貶惡而已至於經世之大法則不知也春秋太義數十其義雖大炳如日星乃易見也惟其微辭隱義時措從宜者爲難知也或抑或縱或與或奪或進或退或微或顯而得乎義理之安文質之中寬猛之宜是非之公乃制事之權衡揆道之模範也夫觀百物而後識化育之神聚衆材而後知作室之用於一事一義而欲窺聖人之用心非上智不能也故學春秋者必優游涵泳默識心通然後能

造其微也後王知春秋之義則雖德非禹湯
尚可以法三代之治自秦而下其學不傳予
悼夫聖人之志不得明於後世也故作傳以
明之俾後之人通其文而求其義得其意而
法其用則三代亦可復也是傳也雖未能極
聖人之蘊奧庶幾學者得其門而入矣有宋
崇寧二年癸未四月乙亥河南程頤正叔序

音註

程頤按宋鑑程頤字正叔河南人
之子少有高識非禮不動仁宗時
疏欲黜世俗之論以王道為心大臣屢薦
不起哲宗初詔授西京國子教授力辭召

見擢崇政殿說書文彥博稱爲真侍講後
入元祐黨籍頤與兄顥倡明道學出其門
者最多世稱伊川先生後謚正
公封伊陽伯從祀孔子廟庭

程子傳序畢

春秋集註綱領

胡氏曰學春秋者必知綱領然後衆自有條而不紊自孟軻氏而下發明綱領者凡七家今載七家精要之詞于卷首智者即詞以觀義則思過半矣

孟軻氏曰春秋天子之事也昔者禹抑洪水而天下平周公膺戎狄驅猛獸而百姓寧孔子成春秋而亂臣賊子懼又曰王者之迹熄而詩亡詩亡然後春秋作晉之乘楚

之禱祝魯之春秋也其事則齊桓晉文
其文則史其義則丘竊取之矣又曰春秋
無義戰彼善於此則有之矣征者上伐下
也敵國不相征也

音註

孟軻按一統志孟軻字子車戰國時
騶人受業于思之門道既通游齊梁
以仁義說其君不能用退與萬章之徒序
詩書述仲尼之意作孟子七篇後世累封
鄒國亞聖公
配孔子廟庭

莊周曰春秋經世先王之志也聖人議而不
辯又曰春秋以道名分

音註

莊周按史記莊周戰國蒙人嘗為蒙
漆園吏其學無所不闢楚威王聞其
賢遣使厚幣迎之周曰千金重利卿相尊
位也子獨不見犧牛乎我寧游戲以快吾
志焉著書十餘萬言汪洋自恣
雖當世宿學不能自解免也

漢董仲舒記夫子之言曰我欲載之空言不
如見之於行事之深切著明也誦其師說
曰撥亂世反之正莫近春秋其自言曰有
國者不可以不知春秋前有讒而不見後
有賊而不知為人臣者不可以不知春秋
守經事而不知其宜遭變事而不知其權

為人君父而不通春秋之義者必蒙首惡之名為人臣子而不通春秋之義者必陷篡弒之罪故春秋禮義之大宗也

音註

董仲舒按書董仲舒廣川人少治春秋下惟講授三年不窺園圃以賢良對策勸武帝勉強學問行道設誠於內等語帝嘉之以為江都相仲舒學有源委正誼明道之言度越諸子為漢醇儒

隋王通曰春秋之於王道是輕重之權衡曲直之繩墨也舍則無所取衷矣又曰春秋其以天道終乎故止於獲麟

音註

王通按隋書王通字仲淹龍門人幼篤學慨然有濟蒼生之志詣長安奏太平十二策不見用退居河汾教授做古作經又為中說以擬論語大業初徵不至及卒門人謚曰文中子

宋西都邵雍曰春秋孔子之刑書也功過不相掩五伯者功之首罪之魁也先定五伯之功過而學春秋則大意立矣春秋之間有功者未有大於四國者也有過者亦未有大於四國者也不先治四國之功過則事無統理不得聖人之心矣

音註

邵雍按宋鑑邵雍字堯夫其先范陽人雍遊河南因葬其親伊水上遂家焉受學李之才探賸索隱遂行先夫之旨尤精數學著書十餘萬言富弼司馬光呂公著二程子雅敬雍為市園宅自名其居曰安樂窩春秋時乘小車出遊城中賢者悅其德不肯者服其化舉遺士補

橫渠張載曰春秋之書在古無有乃仲尼所

自作惟孟子為能知之非理明義精殆未

可學先儒未及此而治之故其說多鑿

音註

張載按宋鑑張載字子厚郿人舉進士為祁州司法歷渭川簽判召為崇文殿校書同知太常禮院為人志氣不群初喜談兵及釋老書反而求之六經既見

二程子盡棄異學而學焉神宗立召問治道首以復三代為對與執政不合告歸居橫渠鎮日危坐一室潛心精思教人以禮關西之士翕然宗之所著有東銘西銘正蒙擴聖賢所未發卒謚曰明淳祐初封郡伯從祀孔子廟庭

河南程頤曰五經載道之文春秋聖人之用

五經之有春秋猶法律之有斷例也又曰

五經如藥方春秋猶用藥治病聖人之用

全在此書又曰春秋一句即一事是非便

見於此乃窮理之要學者只觀春秋亦可

以盡道矣又曰春秋傳為按經為斷又曰

春秋之文，一意在示人如土功之事，無大小莫不書之，其意止欲人君重民力也。又曰春秋之法極謹嚴，中國而用夷禮，則夷之韓子之言深得其旨。

音註

關愈按唐鑑韓愈字退之南陽人即今脩武縣北南陽城是也七歲讀書日記數千百言比長盡通六經百家之學擢進士第累官刑部侍郎時憲宗迎佛骨愈上表極諫貶潮州刺史除鱷魚患尋改袁州召拜國子祭酒歷轉吏部侍郎卒贈禮部尚書諡曰文愈為文粹然一出於正佐佑六經學者仰之如泰山北斗云

春秋綱領畢

春秋提要

周十二王

春秋歷十有四王，悼王立未踰年，敬王崩在春秋後，故止。

日十
二主

平王

四十九年入春秋，隱元生也。三年崩，在位五十二年。

桓王

元年隱四年也，桓十五年崩，在位二十三年。

莊王

元年桓十六年也，莊十七年崩，在位十五年。

僖王

元年莊十三年也，十七年崩，在位五年。

惠王

元年莊十八年也，僖八年崩，在位二十五年。

襄王

元年僖九年也，文八年崩，在位三十三年。

頃王

元年文九年也十
四年崩在位六年

匡王

元年文十五年也
二年崩在位六年

定王

元年宣三年也成五
年崩在位二十一年

簡王

元年成六年也襄元
年崩在位十四年

靈王

元年襄二年也二十
八年崩在位二十七年

景王

元年襄二十九年也昭
二十二年崩在位二十五年

敬王

元年昭二十三年
也崩在春秋後

列國見于年表者十九

魯蔡曹衛滕晉鄭齊秦楚宋杞陳吳邾莒

薛許小邾

魯十二公

隱公

不書即位 桓公四年七月去
秋冬二時

莊公

不書即位 閔公不書即位 僖公不書即位

文公

宣公 成公

襄公

昭公 定公元年無正月

哀公

五伯

春秋終入吳黃池之
役吳越亦爭伯矣

齊桓公

莊十二年
會北杏

宋襄公

春秋要

年四

晉文公

僖二十八年
年戰城濮

秦穆公

文二十三年
伐晉

楚莊王

宣十一年
盟辰陵

晉十一世

文公

僖二十八年立
三十二年卒

襄公

僖三十二年立
文六年卒

靈公

文七年立
宣二年卒

成公

宣二年立
宣九年卒

景公

宣九年冬立
成十年卒

厲公

成十一年立
十八年卒

悼公

成十八年立
襄十五年卒

平公

襄十六年立
昭十年卒

昭公

昭十一年立
昭十六年卒

頃公

昭十七年立
昭三十年卒

定公

昭三十二年立
卒在春秋後

魯三桓

仲孫氏

又曰
孟孫

叔孫氏

季孫氏

晉八卿

知瑩

士匄

荀偃

韓起

欒黶

士魴

魏絳

趙武

晉六卿

趙氏

范氏

智氏

荀氏

魏氏

韓氏

晉三卿

春秋左傳

卷五

魏斯 韓虔 趙籍

周來聘七

隱七年凡伯 九年南季

桓四年宰渠伯糾 五年仍叔之子

八年家父 僖三十年宰周公

宣十年王季子

周錫命三

莊元年榮叔 文元年毛伯

成八年召伯

周歸服一

定十四年石尚

周賈葬四

隱元年宰咺 文元年叔服

五年榮叔召伯

周來求三

隱三年武氏子求賻

桓十五年家父求車

文九年毛伯求金

魯君臣朝聘于周八文九年叔孫得臣

葬故不數

僖二十八年公兩朝王所

成十三年公如京師 僖二十年公子遂

文元年叔孫得臣 八年公孫敖

宣九年仲孫蔑

襄二十四年叔孫豹

公如齊十有一春秋公如齊者十有五 桓莊四如皆非朝故不

數

僖公三 宣公六 昭公二

公如晉二十 宣十

文公二 成公四 襄公五

昭公八 定公一

公如楚二 昭公一

襄公一 昭公一

魯大夫聘列國五十有六又如齊四如

如陳滕各一皆因事而 往非專行聘禮故不數

如齊十有九 如晉二十有五

如陳三

如宋五

如牟如衛如楚如晉如邾各一

諸國朝魯四十

曹滕小邾各五

杞邾各七

邾二

薛紀穀鄧郟郚葛牟蕭各一

齊聘魯五

宣公一

隱七年弟年

桓三年弟年

僖三十三年國歸父

宣十年國佐

襄二十七年慶封公六

昭公二

晉聘魯十有一

文公三

成三年荀庚

八年士燮

十一年卻擘

十八年士匄

襄元年荀瑩

八年士匄

十二年士魴

二十六年荀吳

二十九年士鞅

昭二年韓起

三十一年士鞅

宋聘魯四

成四年華元

八年華元

襄十五年向戌

昭十二年華定

衛聘魯四

文四年甯俞

成三年孫良夫

襄元年公孫剽

襄七年孫林父

陳鄭秦吳聘魯各一

莊二十五年陳女叔

文十二年秦術

襄五年鄭公子發

襄二十九年吳札

楚聘魯三

莊二十三年荆人

文九年椒

襄三十年遠罷

盟一百有九

凡盟會侵伐內爲主書及外爲主書會所以別首從而謹善惡之首也

始隱元年茂

終哀二年句繹

特盟參盟同盟始終

石門于鹹特盟之始終也

瓦屋鄆陵參盟之始終也

于幽平丘同盟之始終也

同盟十有六

齊盟二皆同尊周也晉盟十有四皆同外楚也

兩幽

齊桓

新城

晉靈

清丘

斷道

蟲牢

馬陵

于蒲

于戚

柯陵

晉厲

虛村

雞澤

于戲

亳城北

晉悼

重丘

晉平

平丘

晉昭

殊盟二

僖五年首止

僖九年葵丘

涖盟四

僖三年公子友如齊

文七年公孫敖如莒

昭七年叔孫婁如齊

定十一年叔還如鄭

來盟五

桓十四年鄭弟語

閔二年齊高子

僖四年楚屈完

文十五年宋司馬華孫

宣七年衛孫良夫

外大夫聘而遂盟五

成三年荀庚良夫

十二年卻犇

襄七年林父

十五年向戌

會九十七

始隱二年潛

終哀十三年黃池

殊會四

僖五年首止

成十五年鍾離

襄十年于祖

襄十四年于向

遇七

志內之遇者四而皆書及若曰以此及彼然也志外之遇者二而皆以爵若曰以尊及卑然也

隱四年遇清

莊二十三年遇穀

三十年遇魯濟

僖十四年遇防

隱八年宋衛遇垂

莊四年齊陳鄭遇垂

三十二年宋齊遇梁丘

平五

加宣四年平莒及邾為六

隱六年鄭來輸平

宣十五年宋及楚平

昭七年暨齊平

定十年及齊平

定十一年及鄭平

來七

春秋提要

九

隱元年祭伯來

桓六年寔來

八年祭公來

閔元年齊仲孫來

僖二十九年兩介葛盧來

襄十八年白狄來

人自為盟三

桓十一年惡曹

中國未有作而人自為盟

僖二十一年鹿上

中國始無伯而人自為盟

宣十二年清丘

中國又將無伯而人自為盟

侵六十

潛師掠境曰侵

始莊十年公侵宋

終哀十三年晉魏曼多侵衛

伐二百十有二

聲罪致討曰伐

始隱二年鄭人伐衛

終哀十三年楚公子申伐陳

戰二十三

兩兵相接曰戰書敗績者十五又內兵書敗曰戰若僖公

戰于升陘我師敗績獲公曾懸諸魚門諱不書敗唯莊公乾時之敗以與

讐戰雖敗不諱

始桓十年來戰于郎

春秋是年

三十一

終哀十一年戰于艾陵

圍四十四纒其城邑曰圍

始隱五年宋圍長葛

終哀七年宋人圍曹

入三十七造其國都曰入

始隱二年莒人入向

終哀十三年於越入吳

遷十徙其朝市曰遷

始莊元年齊師遷紀邢鄆郚

終哀二年蔡遷州來

滅三十毀其宗廟社稷曰滅內兵書滅曰取若取鄆取郚是也唯

僖公滅項乃公在會而季孫滅之故不諱

始莊十年齊師滅譚

終定十五年楚子滅胡

敗師十有六詭道而勝之曰敗

始隱十年公敗宋師于菅

終定十四年於越敗吳

取師三悉虜而俘之曰取

隱十年伐戴取之

哀九年雍丘

十三年于岳

取國邑十有六

胡氏曰取者收奪之名趙子曰凡力得之曰取

始隱四年取牟婁

終哀八年取讎及闡

襲一

輕行而掩之曰襲

襄二十三年齊侯襲莒

追二

已去而躡之曰追

莊十八年公追戎于濟西

僖二十六年公追齊至鄰弗及

戍三

聚兵而守之曰戍

僖二十八年公子買戍衛

襄五年戍陳

十年戍鄭虎牢

以一國而用諸侯之師三

以弱假強而能左右之曰

桓十四年宋以四國伐鄭

僖二十六年魯以楚師伐齊

定四年蔡以吳子伐楚

城二十有九

城者完舊也內城二十三

且義亦書見勞民為重事也齊伯外城三邢也楚丘也緣陵也獨城邢為美晉伯外城三虎牢也杞也成周也獨成周無譏

始隱七年城中丘

終哀六年城邾瑕

築八

築者創始也

莊元年築王姬之館

二十八年築郟

三十一年三築臺

成十八年築鹿囿

昭九年築郎囿

定十三年築蛇淵囿

執三十有一

齊執者五晉執者十五宋執者三邾執者一楚執者

七

始桓十一年宋人執鄭祭仲

終哀四年晉執戎蠻子赤歸于楚

獲六

凡君戰而死者滅生禽曰獲太夫生死皆曰獲

僖元年于鄆獲莒拏

十五年于韓獲晉侯

宣二年大棘獲宋華元

襄八年鄭侵蔡獲蔡公子燹

昭二十三年雞父獲陳夏齧

哀十一年艾陵獲齊國書

降降者魯一服之詞

莊八年邾降于齊師

莊三十年齊人降鄆

潰四民逃其潰

僖四年侵蔡蔡潰 文三年伐沈沈潰

成九年伐莒莒潰 昭二十九年鄆潰

講武一桓公有所畏而大閱非其數一莊公有所侯而治兵非其數

桓六年大閱簡車馬也

莊八年治兵習戰也申明軍法以整齊之也

蒐五中春教振旅遂以蒐謂蒐索擇取不盈者大云者偕天子之制也

昭八年蒐于紅 十一年大蒐比蒲

二十二年大蒐昌間

定十三年大蒐比蒲 十四年大蒐比蒲

狩四中冬教大閱遂以狩謂守取之無所擇也

桓四年于郎 莊四年于禚

僖二十八年河陽 哀十四年獲麟

乞師五乞者卑遜自屈之辭又曰乞不保得之辭

僖二十六年公子遂如楚

成十三年晉卻錡來

十六年晉欒黶來

十七年晉荀息來

十八年晉士魴來

次師十有三

齊次者四魯次者四齊衛次者三晉楚次者各一伐

而書次其次為善伐楚次陸是也故而書次其次為與畢北救邢是也豈又

日莊十年次于郎見齊伯之難文二年次厥貉見楚伯之難襄元年次于

郎見晉復伯之難矣

始莊三年公次于滑

終定十五年齊衛次于渠蔭

制楚得失七

召陵以義勝

城濮以威勝

鄆陵以幸勝

蕭魚以善勝

于泓以不度德不量力而敗

于邲以將不用命而敗

召陵以求貨弗得而還

救二十二

救在王室則罪諸侯子突救衛是也救在遠國則罪四年

晉陽處父救江是也救在夷狄則罪中國楚貞救鄭狄救齊吳救陳是也

始莊六年子突救衛 終哀十年吳救陳

獻捷二獻者下奉上之 詞軍獲曰捷

莊三十一年齊侯來獻戎捷

僖二十一年楚宜申來獻捷

雩二十有一旱祭也 諸侯雩于境內之山川 蓋以山川百源能興

雲雨之故也

書秋者七

書八月者四

書七月者二

書九月者七

書冬者一

郊九龜違者四 牛災者四 非時大不敬者一 蓋郊所以祭天 魯諸侯而用

天子之祭 僭也

僖三十一年四月四上郊

宣三年正月牛傷乃不郊

成七年正月牛傷不郊

十年四月五上郊

十七年九月辛丑用郊

襄七年四月三上郊

十一年四月四上郊

定十五年正月牛傷五月辛亥郊

哀元年正月牛傷四月辛亥郊

望三望祭也望于山川

僖三十二年 宣三年 成七年

烝嘗三冬日烝衆也謂萬事畢成所薦衆多也秋日嘗以物成而薦新

義為

桓八年春正月己卯烝

夏五月丁丑烝 十四年乙亥嘗

土田十

假一 取五 歸我一

歸之于 疆 來歸一

災異一百二十二

日食三十六 星孛三 星隕隕石各

不雨七 無冰三 大雨震電一

雨雪三 大雨雹三 地震五

山崩二 大水九 有年二

大旱二 饑三 無麥苗一

大無麥禾一 隕霜不殺草李梅實一

隕霜殺菽一 雨木冰一

多康有蠶有蜚蜾生各一 六鷁退飛一

螟三 螽十 牛傷四

牛死二 宮室災六 震廟一

屋壞二 齊大災一

宋陳衛鄭災各一 宋陳災各一

齊桓衣裳之會十有一

北杏一 兩郵一 兩幽一 于榿

于貫 陽穀 首止 寧母

葵丘 齊桓兵車之會四

于洮 于鹹 于淮

晉文五書爵 牲丘 于淮

侵曹 伐衛 入曹 城濮

踐土 晉襄退三強

僖二十三年 敗狄于箕

伐許 許貳於楚 伐許 所以離楚也

春秋左傳 四十一

春秋五會

雞澤 于戚 救陳 于鄆

邢丘

晉悼三駕

襄十年伐鄭 十一年伐鄭 同年伐鄭

晉平七合諸侯

溴梁 祝柯 澶淵 商任 沙隨

兩夷儀

晉平五合大夫

澶淵 于宋 城杞 澶淵 于虢

春秋五始

元者氣之始 春者四時之始

王者受命之始 正月者正教之始

即位者一國之始

孔子相魯

定十年會于夾谷

齊人來歸鄆 謹龜陰田

十二年叔孫墮 季孫仲孫墮

十四年石尚來歸服

子路用魯

定十二年墮郈

墮費

子貢用魯

定十五年邾子來朝

哀七年公會吳于郟

十二年公會吳于橐臬

公會衛宋于鄆

冉求用魯

哀十一年齊國書伐我

王人三

莊六年子突救衛

僖八年于洮

僖二十九年翟泉

命大夫三

魯單伯

鄭祭仲

陳女叔

魯三家所始即三桓也

僖元年公子友敗莒于鄆是役公賜季友汶陽之田及費

而季孫氏始

四年公孫茲侵陳叔孫氏始

十五年公孫敖救徐孟孫氏始

定魯二定魯也

魯置節 漢祭中 制文殊

命大夫三

魯二十六年

其六年子突逃齊

公王入三

春秋提要畢

春國書

春秋諸國興廢說

居

按周黃帝之苗裔姬姓后稷之後也后稷封於邰及夏之衰后稷之子不苗失其官竄於西戎至大王為狄所逼去邰居岐文王受命武王克商而王有天下幽王為犬戎所殺平王遷都王城今河南縣是也平王四十九年魯隱公之元年也敬王又遷成周今洛陽是也敬王三十九年獲麟之歲也四十四年敬王崩

魯

按魯姬姓侯爵出自周文王第四子周公公直佐文武成主有大勳勞於天下成王命為太宰食邑扶風雍縣東北之周城號宰周公留相天子王自陝以東諸侯乃封

其長子伯禽於曲阜地方七百里有寶
玉大子而俾侯于魯以輔周室伯禽父為
魯公考公酉考公九世孫曰惠公弗皇惠
公生隱公息姑隱公之元年當平王四十
有九年而春秋始作其後二百四十有
年是哀公蔣之十四年西狩獲麟而下九
君二百三十三年而頃公讐
為楚考烈王所滅遷為家人

齊

按齊姜姓侯爵出自炎帝裔孫伯夷為四
嶽佐禹平水土有功賜姓曰姜氏曰呂謂
之呂侯其國在南陽宛縣之西商末太公
呂望起漁釣為周文武師號師尚父佐文
武定天下以功封營丘為齊侯得征五侯
九伯其後桓公小白能相管仲為五霸長
天下賴之自僖公祿父之九年魯隱公立
至簡公四年西狩獲麟其後三君一百單

晉

二年康公卒以呂氏絕
其祀田氏卒有齊國

按晉姬姓侯爵出自周武王少子唐叔虞
成王母弟也初邑姜方娠有七日夢及生子
有文在其手曰虞字子于成王滅唐剪桐
葉為圭與叔虞戲曰以此封若大臣史佚
等以天子無戲言請擇日而成之遂封叔
虞於唐居古大夏實沈之虛參之分野謂
之太原亦曰晉陽在河汾之東北地方百
里而都於翼平陽絳邑縣東翼城是也唐
叔子燮父為晉侯其數世孫文公重耳霸
諸侯其子孫為中國盟主者百五十餘年
姬姓唯晉為霸王室賴之自鄂侯二年
魯隱公即位春秋作至定公之三十一
西狩獲麟又六世其臣韓魏趙
氏三分晉地遷其君為家人

衛

按衛姬姓侯爵出自周武王同母少弟封
為成王太司寇食采於康謂之康叔成王
誅武庚滅三監中分其地以其半立康叔
封為衛伯分以大路緝茂旃旌太呂之樂
命以康誥而封於商虛其地汲郡朝歌縣
是也其數世孫桓公完之十二年魯隱公
即位春秋作出公十二年西狩獲麟後十
一世聲公之子成侯速復降爵為侯速孫
嗣君更貶號曰君而止有淇陽之地
後六世而秦二世廢其君為庶人

鄭

按鄭姬姓伯爵出自周厲王少子文宣王
母弟也宣王二十二年封於鄭在滎陽
宛陵西南密邇王畿秦京兆漢華陰之鄭
縣是也幽王之難友寄帑於號鄭之間因

宋

取二國地前華後河而食溱洧在濟西洛
東河南潁比四水間謂之新鄭友卒謚桓
公友相幽王其子武公掘突孫莊公寤生
皆相平王為司徒者三世莊公二十二年
魯隱公即位春秋作聲公二十年西
狩獲麟後一百四年韓哀侯滅其國

按宋子姓公爵周二王後出自商王帝乙
之長庶子啓食采於微謂之微子紂為不
道微子抱祭器以奔周武王誅紂立其子
武庚武庚以三監畔成王誅之中分其地
封微子為宋公以奉湯祀禮樂車服悉祀
商舊作賓王家其地應天府睢陽是也其
後數世孫穆公和之七年魯隱公立景公
三十六年西狩獲麟後六世二百七年而
齊魏楚共滅其國

杞

按杞妣姓伯爵周二王後武王克商求夏禹苗裔得東樓公封杞以奉禹祀其地今開封府雍丘是也東樓公四傳而至武公武公十一年魯隱公立後嘗遷都緣陵又遷淳于淳于蓋古之州國至閔公維之六年西狩獲麟後三十二年而國滅於楚

陳

按陳媯姓侯爵周二恪之國出自帝舜之後封於有虞虞帝裔孫閔父為周武王降正能利器用王賴之以元女大姬下嫁其子滿而封諸陳使奉虞帝祀其地在太皞之墟今陳縣是也滿謚胡公生申公犀犀而下傳國十世至桓公鮑鮑三十三年魯隱公立閔公二十一年西狩獲麟後三年楚惠王使公孫朝滅之

吳

按吳姬姓子爵出自周太王長子太伯與其弟仲雍避少弟季歷賢而有聖子去之荆蠻號曰勾吳端委以治周禮荆蠻義之歸者千餘家為吳太伯太伯卒仲雍嗣立斷髮文身贏以為飾遂不通中華後十七世當春秋魯成公六年其後闔廬之子夫差以強暴霸中國夫差十五年春秋終後八年為越勾踐所滅

楚

按楚芊姓子爵出自顓帝孫重黎為高辛氏火正能光融天下命曰祝融其弟吳回嗣為祝融生陸終生六子皆剖析而產最少者季連季連之苗裔鬻熊為周文武師成王時舉文王武王勤勞之後嗣得鬻熊曾孫熊繹封於荆蠻熊以子男之田其地

居丹陽南郡枝江縣是也其後都郢更名曰楚至五世而熊通自立為楚武王武王十九年魯隱公立惠王章八年西狩獲麟其後六國與秦號七雄而楚最盛惠王而下有簡聲悼肅宣威懷頃襄考烈幽哀負芻十一王而後秦滅之

許

按許姜姓男爵出自堯四嶽伯夷之後周武王封其苗裔文叔於許以續六嶽之嗣地在潁川許昌縣今許州是也春秋時國小而近鄭鄭再滅之以為俘邑後附楚楚遷之于城父又遷之于白羽又遷之于葉元公子結之元年西狩獲麟

秦

按秦嬴姓伯爵出自顓帝裔孫女脩子大業生大費與禹平水十二佐舜調刻鳥獸易

姓嬴是為柏翳柏翳十九世非子為周老王主馬汧渭間馬大蕃息孝王分為附庸而邑之秦使續氏嬴號曰秦嬴天水隴西縣秦亭是也其後文公四十四年魯隱公立至悼公十年西狩獲麟後九世孝公用商鞅以耕戰霸秦其子惠文君自號為王至始皇并天下自立為皇帝至二世而亡

蔡

按蔡姬姓侯爵出自周文王子叔度武王克商封於蔡其地蔡州上蔡縣是也自叔度至蔡伯荒荒八世孫考父立為宣侯宣侯二十八年魯隱公立成侯十年西狩獲麟後三十四年而楚滅之

曹

按曹姬姓伯爵出自文王子叔振鐸武主克商封之其地濟陰定陶縣是也叔振鐸生太伯腓腓後九世桓公終生即位終生三十五年魯隱公立至哀公八年曹伯陽為宋所滅

北燕

按北燕姬姓伯爵出自周同姓功臣曰君奭佐文武定天下有大功為周太保食邑於召謂之召康公相成王主自陝以西諸侯封其子為北燕伯其地幽州薊縣是也召公九世至燕惠侯六世孫穆侯之七年魯隱即位獻公十二年西狩獲麟後六世易主立傳王號者六世至燕主平魯喜坐太子丹事為秦所破滅

莒

按莒嬴姓子爵出自少昊之後武王封於輿期於莒城陽莒縣是也莒夷君無諡而有號自茲輿期十一世而茲本始見於春秋共公庚與而下微不復見後四世而楚滅之

紀

按紀姜姓侯爵出自東莞劇縣春秋時嘗娶魯女又女為王后魯莊公之三年齊侵之紀季以鄒又于齊四年紀侯大去其國

邾

按邾曹姓子爵出自陸終第五子晏安之後武王克商封其苗裔曹挾于邾為附庸今魯國鄒縣是也魯隱公之元年邾儀父克會盟于蔑其後數從齊侯小白尊周建

爵為子克後九世桓公革之二十九年西狩獲麟邾近魯而小後為楚所并

小邾

按小邾曹姓子爵出自邾挾之後夷父顏有功於周周封其子友於邾為附庸春秋時邾黎來始朝魯其地在東海昌慮縣東北邾城是也齊小白霸邾若附從進爵為子始列諸侯謂之小邾子

虞

按虞姬姓公爵出自太王子仲雍生季簡生簡生叔達叔達生周章虞仲及武王克商求太伯仲雍之後得周章已為吳君別封其弟虞仲於周之北故夏墟在河東大陽縣自虞仲列為諸侯十一世有虞公者貪而無謀晉獻公用荀息討賂以璧馬而

取其國

虢

按虢姬姓公爵出自王季子虢仲文王弟也仲與虢叔為王卿士勲在王室藏於盟府而文王友愛二弟謂之二虢武王克商封仲於弘農陝縣東南之虢城周室東遷虢公忌父虢公林父猶為天子之相魯僖公五年晉獻公假道於虞以伐虢滅之地入于晉

滕

按滕姬姓侯爵文王子叔繡之後也至宣公十七世乃見春秋後六世齊滅之

薛

按薛任姓侯爵黃帝之後奚仲封于薛至獻侯始來朝魯與諸侯盟會

春秋諸國興廢說畢

春秋經傳總目

胡傳序

左傳序

公羊傳序

穀梁傳序

程傳序

綱領

提要

東坡地理圖說

諸國年表

諸國興廢說

第一卷

隱公一

元年之二年

第二卷

隱公二

三年之六年

第三卷

隱公三

七年之十一年

第四卷

桓公一

元年之四年

第五卷

桓公二

五年之十年

第六卷

魯桓公三

十一年之十八年

第七卷

魯莊公一

元年之七年

第八卷

魯莊公二

八年之十四年

第九卷

魯莊公三

十五年之二十三年

第十卷

魯莊公四

二十四年之三十二年

第十一卷

魯閔公

元年之二年

第十二卷

僖公一

元年之五年

第十三卷

僖公二

六年之十五年

第十四卷

僖公三

十六年之二十四年

第十五卷

僖公四

二十五年之二十八年

第十六卷

僖公五

二十九年之三十二年

第十七卷

文公一

元年之八年

第十八卷

文公二

九年之十八年

第十九卷

宣公一

元年之六年

第二十卷

宣公二

七年之十一年

第二十一卷

宣公三

十二年之十八年

第二十二卷

成公一

元年之五年

第二十三卷

成公二

六年之十年

第二十四卷

成公三

十一年之十八年

第二十五卷

襄公一

元年之九年

第二十六卷

襄公二

十年之十八年

第二十七卷

襄公三

十九年之二十六年

第二十八卷

襄公四

二十七年之三十二年

第二十九卷

昭公一

元年之六年

第三十卷

昭公二

七年之十三年

第三十一卷

昭公三

十四年之二十一年

第三十二卷

昭公四

二十二年之二十五年

第三十三卷

昭公五

二十六年之三十二年

第三十四卷

定公一

元年之七年

第三十五卷

定公二

八年之十五年

第三十六卷

哀公六卷

元年之七年半

第三十七卷

哀公二卷

八年之十四年

第三十八卷

附錄左傳

哀公三十六年之三十二年

十五年之二十七年 春秋總目錄

